

烈祖成績

安積覺編次

卷十三



伊予門
號 742
卷 13



烈祖成績卷之十三 起慶長五年十月
至其年十二月

安積覺 編次

慶長五年十月朔神祖命奧平信昌徇石田三成安國寺惠

瓊小西行長於市斬之於六條河原榜其主名梟之於三條

河原觀者重沓年譜創業記家忠日記關原記大全關
原合戰誌石卯餘史慶元記松榮紀事磔伏

見城反徒永原十内山口宗助以下十八人於粟田口家忠
日記

關原合戰誌石卯餘史松榮紀
事並無月日今從關原記大全

臣按石田三成便佞狡黠長于財利善為逢迎故秀吉公

擢自微賤居五奉行之一授以佐和山城裁決軍國事寵

榮極矣而其志不饜一旦舉事動搖關西如敵將豐臣秀

烈祖成績卷之十三

秋毛利秀元氏家行廣。皆知其託言擁戴秀賴。以濟其私。况如加藤清正。細川忠興。黑田長政。京極高次。亦能審其情實。豫料成敗。臣皆據實而書。班班可考。不復論列於此矣。小西行長。朝鮮之役。頗著威名。徒逞血氣之勇。而不思善後之策。終與清正相軋。大為諸將所惡。孤立無援。不得不與三成相朋比。錢鳳沈充之於王敦。傅亮徐羨之之於謝晦。其勢然也。及其黨戰於青野原。行長一戰輒敗。束手就禽。為世大僂。何前勇而後怯也。安國寺惠瓊。以才能有寵于秀吉公。建牙列驕。勢與諸侯等。遂忘其分。黨于三成。行長幢幡為旌旗。廁養為隊伍。終不能交一矢。望風逃竄。

近世僧永覺有云。僧家寄跡寰中。棲身物表。一切塵氛。尚當謝絕。况可貪祿位乎。一切文事。尚不可與。况可操武事乎。因論元劉秉忠。明姚廣孝。為佛門中萬世之罪人。况如惠瓊者。其為大罪。又當何如哉。

五日。毛利輝元出木津別莊。還安藝。神祖使世子擊之。下令將以十六日出師。輝元就井伊直政謝罪曰。內府公有意存恤我家。則給周防長門二州足矣。其餘八州。請納之。直政固請。神祖許之。賜書輝元。秀就父子贖其罪。直政副以誓書。諭之。削安藝備中。備後。因幡。伯耆。出雲。隱岐。石見。八州。授周防長門。輝元悅服。故世子不出兵。年譜。關原合戰誌。石卯。輝元。餘史。慶元記。松榮紀事。

披剃號宗瑞。以秀元為嗣。關原記大全寬永系圖慶元記○

後生子秀就故他年吉川廣家致仕落髮號如見。關原記赤

松則房出佐和山城。竄匿林藪。無何逮捕。與平信昌斬之。大

田美作守成勢。田關原兵敗。走至朝熊池。田長吉山岡道阿

彌攻殺之。關原合戰誌道阿彌進攻桑名城。城主氏家行廣

弟志摩守寺西備中守等不能守。關原合戰誌慶長記備中

記關原記大行廣乞降。致城而去。道阿彌進攻神戶龜山二

城。羽柴勝雅岡本下野守不能拒。亦皆降。道阿彌不數日舉

三城。置兵戍之。六日。至大阪告之。關原合戰誌關原軍記並

時在大阪西城今訂之關原記大全關原合戰誌並曰行廣

出城披剃稱荻野道喜其後入大阪城殉死秀賴合戰誌曰

寺西下野守家素富為僑人終身羽柴勝雅蒙沛宥子孫仕

幕府復龍川氏歆廟時勝雅以耆老備顧問岡本下野守往

年黨于秀吉攻舊主織田信神祖褒其不勞干戈。亟拔三城。

道阿彌謝曰。此非老夫之力。皆閣下威風所被也。家忠日記

誌石卯餘史慶元記大谷吉久。水下賴繼。遁自垂井歸敦賀。

與處守之臣蜂屋市兵衛議。招集散卒。欲據城舉兵。城兵聞

關原之敗。皆離散。無敢應者。二人知事不濟。潛奔大阪。關原

全關原合戰誌石卯餘史○大全曰水下山城守無十三日。

幾病死元和元年大阪城陷大谷大學殉死秀賴神祖責荒木重堅黨于反徒之罪。與子小一郎某賜自盡。荒

系初神祖為征上杉景勝入江戶城。賜書最上義光。使陸奧

出羽諸將從義光攻米澤口。南部信濃守利直。大膳大夫兵

信直子

五千人秋田實季二千六百五十人戶澤政盛二千二百人

本堂源七郎四百人六鄉兵庫頭政乘彈正直三百人赤尾

孫二郎二百人松榮紀事赤尾作赤尾津今從關原記大全最上義光記仁加保兵庫一

百八十五人龍澤刑部一百十人內越孫四郎六十四人巖

右兵衛關原合戰誌巖作山名蓋岩字草書訛作山名二四

十人兵合一萬一千百餘人來會山形與義光議定軍伍松

紀事以此兵數係明年八月使義光統領鄰境之兵下蓋據此時兵數明年賜印章也今從關原記大全義光使

長子修理大夫義康將兵六千五百率諸將向米澤口諸將

聞石田三成舉兵宇喜多秀家圍伏見城以為天下大亂寇

賊將起于管內不告義光而引兵各歸城堡義光之臣里見

越後鮭延越前延澤能登請追擊之義光不許曰今與諸將

交兵則景勝必伺其隙且諸將或有離叛則無益於內府之

事汝輩決死確鬪則不假鄰境之兵而可以得志去者不追

可也義光之士丹與三右衛門年老致仕戍金山之險列弓

銃建旌旗於山上甲士數十人在其下諸將至金山門闔不

得過遣使使開門與三右衛門曰諸將遽歸得非黨于景勝

耶不聞主君之命則門不可開遣使山形得報處分請待之

諸將望見山上戍兵嚴備欲急下擊與之交戰則恐佗日觸

神祖之怒不得已遲留既而義光報至許其過與三右衛門

開門諸將方得過其鳥銃木棍安火繩列銃眼山上旌旗皆

綻單衣繫樹枝。甲士使婦女百姓。環甲列林藪。時人服其膽智。上杉景勝以直江兼續為大將。水原親憲為軍監。別將上泉主水溝口左馬色部修理松本木工。春日左衛門巖備中守等兵一萬二千。兼續部兵八千。總二萬人。出米澤攻山形。

關原記大全關原合戰誌義光記使志茂治右衛門將兵二千五百為奇兵。

寇谷地寒川江。諸書志茂作下國音相通。今從慶元記。按諸書不載治右衛門兵數。今據四家合考。最上

義光與竹貫義光乞援于伊達政宗。政宗使伊達壹岐遠藤參河守書。

彌兵衛。關原合戰誌作伊達上野石川加將兵三百來援。義

記曰騎兵一百五十步卒幾義光之將江口五兵衛守旗屋

城。義光以其地形難守。且寡兵。遣使諭五兵衛使棄城歸山。

形。五兵衛對曰。未見敵之旌旗而退兵。非夫也。請以死守。義

光使矢桐相摸。矢桐諸書作矢柄。今據關原記大全義光記訂之。飯田播磨率百餘

兵援之。未至。兼續攻旗屋城。五兵衛伏兵城外。湛河水為堰。

兼續毆伏兵却之。親憲按視河上。壞其堤。水立涸。敵兵乘勢

攻城。五兵衛與其子小吉姪忠作。揮槍出城。縱橫奮擊。敵兵

披靡。五兵衛入城。闔門。兼續使步卒登山。下視城中。放火箭

大銃。城兵多死傷。五兵衛度其不可守。又與子姪出城力戰。

引入牙城自殺。小吉忠作亦同死。城兵戰死三百五十人。敵

兵縱火燔城。城遂陷。城中男女及近村民庶皆出走。會津之

兵追之。山形援軍見火起。中路將還。飯田播磨謂矢桐相摸

曰事急矣。子護老弱而歸。我留戰于此。奮勇而死。相摸登高望之。見我軍既危。逆戰破之。敵兵退走。遂挈老幼歸山形。關原

記大全關原合戰誌義光記直江兼續欲聞志茂治右衛門奇兵之報。以

攻長谷堂上山二城。登土上山。下視山形。停軍三日。既而治

右衛門捷報至。乃進軍攻長谷堂城。義光記兼續陣于須賀澤

山。距長谷堂十餘町。以春日左衛門為前鋒。左衛門陣于山

麓。兼續以為長谷堂距山形二里。然有最上川。義光不得輒

救。上山亦隔二里。而無險阻。城主里見越後。或出援之。乃使

上泉主水將三千餘人。備上山城兵。穗村造酒允。推野彌七

郎為前鋒。先是義光使鮭延越前。小國大膳。谷地盛伯。耆川

熊讚岐等援長谷堂城。城兵總四千五百餘人。城將志村伊

豆與越前議。使大風右衛門橫尾勘解由。率銳兵二百餘人。

夜襲左衛門之營。敵兵大惶擾。左衛門出走。右衛門勘解由

乘勢奮擊。獲一百五十級。義光記作百十五級。今從關原記

隊長松木工兼續之營堅守不動。城兵引去。翌日左衛門恥前夜

戰敗。進攻城。城兵飛火炮。堅拒之。敵兵多死傷。左衛門斂兵

退。既而敵兵出暴禾稼。越前乘其虛。擊兼續之陣。多獲首級。

欲還城。敵尾擊之。伊豆出步卒二百餘人於城外。邀擊之。敵

兵前軍多死。後軍猶豫不進。越前全兵入城。義光記義光召上

山城主里見越後。為麾下軍監。越後使其二子民部主水及

草川志摩等兵三千守城。敵將上泉主水前鋒穗村造酒允。椎野彌七郎陣于物見山麓。欲攻上山城。主水爲後拒。扼山形援路。民部出覘之。敵兵布陣。前後相距遼遠。民部以爲敵經長途。人馬疲勞。陣中喧譟。乘其部伍不整。可擊而走之也。乃使志摩歷物見山間道。出敵陣後。民部開門大呼出戰。敵軍披靡。志摩選銳兵三百邀其後。喊吶而進。前後奮鬪。大破之城。兵乘勝追擊。斬造酒允。彌七郎。及平巖石見巖井備中等。敵兵狼狽。墮塹陷壑。殆無子遺。上泉主水聞前鋒敗。馳救之。志摩據物見山發銃矢橫擊敗之。主水會津驍將也。揮槍馳突。力戰而死。民部之兵金原七藏年十七。獲其首。城兵凡

斬四百八十三級。送之山形。義光大賞民部之功。使長子義康率伊達政宗援軍。伊達壹岐遠藤彌兵衛兵合八千。救長谷堂城。距直江兼續之陣五十町。相持數日。旣而關原捷報至。義光大喜。以爲敵兵退走在近。自將兵發山形。上杉景勝亦聞其黨敗于關原。使兼續引兵還會津。兼續與水原親憲議退軍方略。親憲曰。吾當與溝口左馬在前軍。固守山麓。然後使諸隊長退軍。兼續從之。親憲左馬赴前軍。未成陣列。兼續之使旣至。諸隊長皆將引去。長谷堂城兵及援軍義康縱兵尾擊。大敗之。會津之兵死傷無算。畠山七郎時十八歲。諸

書書二本松七郎按系圖右京亮義繼畠山氏也以其爲二本松城主世稱二本松今訂之關原記大全關原合戰誌七

即作右京據勇士一言集此時稱七郎後襲稱右京大全合戰誌又曰父右京亮義繼執伊達輝宗為質為政宗所殺右京二歲而孤長于會津能諳地利指揮部兵百餘人陣于險往依景勝

要邀擊追騎手斬山形隊長天堂彌七郎其餘斬我兵十餘

級○勇士一言集曰七郎初軍欲先衆而進老臣扣馬諫曰大將不可輕進指揮士卒然後進馬七郎曰大將怯懦

士卒何能得戰遂進闖破山形之兵溝口左馬揮槍殺我兵二人我兵退走四

五町死者數十人義光有膂力奮鐵棍厲衆還鬪敵兵又敗

兼續親憲據山而陣日既暮義光張陣相對其夜親憲至兼

續之營責之曰如卿所約吾與左馬整陣然後退兵則可以

萬全何收兵之輕遽也兼續不復與較謝曰吾過矣二人相

議每隊多列鳥銃以擊追騎朔日敵兵將歸會津義光下令

追擊之敵兵據險發銃追騎不能進死者數百人義光進于

陣前督戰鉛彈雨注從兵諫之使退義光不聽曰我退孰敢

出死力以鬪勢甚猛厲從兵多死者義康隔山見之欲來救

路險不可騎乃舍馬步進率二千餘兵橫衝兼續之陣長谷

堂援兵小國大膳谷地盛伯耆川熊讚岐等繞出兼續陣後

掩擊之兼續三面受兵殆不能支將退義光急擊之敵兵敗

走兼續又據別山整陣還鬪我兵少却不敢復追兩軍戰疲

互退兼續不能牒報志茂治右衛門引兵徑還米澤義光斬

敵凡一千五百八十餘級士卒隕命者六百二十餘人遂斂

軍還山形義光謂近臣曰敵聞關原之敗將崩潰之不暇而

列傳 卷十三

山城守馭軍有法。不至狼狽。可謂謙信之遺風餘烈。至今猶

存也。家忠日記、德川記、四家合考、松榮紀事、皆書其大較。關

原合戰誌、石卯餘史、各有異同、今從關原記、大全、義光

記、據二書、九月十三日、兼續攻旗屋城、十六日、陣須賀澤山、

其夜、城兵襲春日左衛門之營、十七日、戰于長谷堂、上泉主

水戰死、二十五日、義光發山形、二十九日、義光與兼續接戰、

十月朔、兼續引兵還、四日、志茂治右衛門降于義光、今欲其

事接續、故不係月日、先是志茂治右衛門取谷地寒川江。如入無人之

地。修築故壘。據之。將攻山形。義光授志村伊豆方略曰。治右

衛門會津騎將也。可使降之。以為我將。伊豆使僧入城說之。

曰。關原之戰。內府大捷。敵將皆敗走。故山城守不能復戰。引

兵歸米澤。不馳一价以報使君。是棄使君也。孤城無援。今欲

何待。不如來降。治右衛門集部兵議去就。志茂美作固勸之。

降。治右衛門從之。遂率宗族從兵二千餘人出降。義光厚遇

之。家忠日記、關原記、大全、義光記、四家合考、關原合戰誌、石卯餘史、

臣按關原記大全宮腰秀興曰。長谷堂之戰。城主志村伊

豆。部兵高橋伊賀。斬上杉景勝監使丸山藤左衛門。景勝

軍監杉原親憲之族。杉原彦左衛門。時稱新國莊吉。據東國太

平記、彦左衛門名親清、親憲之姪也、年尚少。戰功挺群。親憲與書褒之。伊賀

彦左衛門後仕若狹少將酒井忠勝。余父秀政亦去山形

仕忠勝。故與二人交親。常聞二人談長谷堂之戰。書其梗

概于大全。或有問此戰孰勝者。秀政應之曰。余父祖及叔

父皆仕上杉謙信。審聞其用兵之略。節制超於他將。然及

攻長谷堂城。春日左衛門夜戰失利。穗村造酒允推野彌七郎侮敵授首。皆似不知兵者。豈景勝不自蒞陣。此輩有所懈弛而然耶。不然兼續親憲之過也。旗屋城主江口五兵衛食祿八千石。其兵不可過一千。用最上義光之命。徒守孤城而死。飯田播磨不審彼我之勢力。戰喪元。皆不足稱也。方兼續之退軍。義光獲首頗多。然山形之兵死者亦不少。要之勝敗無所輕重也。臣謂秀政之論當矣。然其論五兵衛播磨之死事。計較利害之言。而不足為人臣之法。五兵衛固知力不可敵而不避死。播磨使矢桐相模護敗兵。而捍敵效死。皆能不虧臣節。不可泯沒者也。

羽州仙北邑主小野寺遠江守黨于上杉景勝。誘土人作亂。攻本州六鄉城主六鄉政乘。自九月至是月上旬數戰。政乘斬敵頗多。城兵亦有死傷者。遠江守聞關原之敗退走。政乘至大阪告捷。神祖世子褒其功。並賜佩刀。關原記大全蒲生秀行封疆接會津。景勝誘下野鹽原鹿沼土人作亂。鹽原土寇將起。秀行郡吏神戶平左衛門聞之。捕首謀者五人磔之。餘黨悉奔會津。依南山城主芋川縫殿助。○芋川諸書或作妹川。或五百川。語音轉訛。今欲再寇鹽原。秀行之兵擊却之。又與鹿沼賊戰。敗之。賊聞關原之敗亦潰走。關原記大全。關原合戰誌。堀内重俊出鳥羽城。還新宮城守。和歌山城主桑山重晴入道宗榮。荆髮叙法印。號果法院。使其子

左近大夫貞晴孫修理亮一晴

關原記大全以一晴為重晴子據桑山系圖重晴長子九

郎二郎先父卒其子一晴嗣貞晴重晴第三子也諸書或作左衛門佐今從系圖後更加賀守父子名據系圖率千

餘兵攻之杉若主殿頭亦同來攻重俊拒守不遺餘力既而

聞毛利輝元增田長盛以下黨與皆歸降避城出奔大野關原

記大全作熊野今從桑山系圖黑田如水既禽大友義統欲攻垣見家純富

來城熊谷直陳安喜城出實相寺進兵安喜安喜城南北臨

海地勢險峻直陳叔父外記堅守不下如水悉力攻之城兵

森孫左衛門其弟孫右衛門密通款于如水重臣毛利太兵

衛曰毛利初作母里後更今字稱但馬吾輩與熊谷外記不相善願出降不

然縱火城中以為內應太兵衛至如水之營告之如水曰彼

兄弟縱有憾於外記而無叛君之理不義之降不可受燒城

則敵與吾死傷必多皆不可許部兵馬杉喜右衛門與外記

有舊如水使喜右衛門貽書外記曰外無援軍中有離叛不

如授城而去誓不殺城中一人外記從之出降如水使其臣

黑田五郎右衛門手塚孫大夫等戍城向富來城黑田兵庫

毛利太兵衛為前鋒如水陣于城西南兵庫太兵衛進攻城

家純之兄利右衛門妻兄藤井九左衛門守城關原合戰誌石卯餘史並

云家純之兄助左衛門其子九兵衛驍勇善戰今從關原記大全九左衛門夜帥百餘兵襲

擊兵庫之營我兵死者數輩兵庫厲眾欲邀其後九左衛門

收兵入城我兵連放鳥銃擊破外郭雉堞城兵固守羅城如

水以松本吉右衛門為船監。泛舟海上。監往來。夜有敵船一艘漂至。成船詰問之。答曰。垣見和泉守被殺于大垣城。歸告此狀。如水縱之入城。既而家純書史江良新右衛門自大垣來奔。我兵捕之。如水又縱之入城。退兵諭之。使降。利右衛門九左衛門請出降。毛利太兵衛曰。城兵夜斫黑田兵庫之營。可悉屠戮以報其怨。如水笑曰。彼我廝殺。戰陣之常。何怨讎之有哉。用兵之道。全軍為上。宜亟解圍。縱之使去。於是利右衛門九左衛門出降。其餘城中知名之士。如水皆召之為臣。使上原新右衛門戍城。毛利高正處守之。臣據日高郡隈城。球珠郡角牟禮城。關原記大全。日高作日田。球珠作玖珠。今訂之。如水使栗山四郎

右衛門。母里與三兵衛。管七郎兵衛等攻二城降之。四郎右衛門圍角牟禮城。以計取之。進攻隈城。城兵聞關原戰敗。出降。四郎右衛門使與三兵衛七郎兵衛戍城。豐後悉平。如水引兵還。告捷大阪。神祖賜書褒之。關原記大全。據本書。如水九月。熊谷外記。出降。二十三日。攻富來城。十月二日。城兵出降。四日。如水還中津。五日。神祖賜書。今欲事實。接續。故不係白。加藤清正在熊本城。欲攻小西行長宇土城。以谷崎權大夫為使。上書神祖。告與黑田如水協謀。平定鎮西。神祖悅。召權大夫親問鎮西消息。謂權大夫曰。曷我東征。清正諫曰。不可。若東征。則比過近江。禍亂必起。其言果驗。可謂智士也。關原記大全。按七月。神祖東征。清正就藩。不在大阪。蓋以書諫之也。今無所考。○大全曰。清正初以其臣明石茂兵衛為使。泊

赤間關。彼皆敵地。衆怪之。詰問。茂兵衛詐言。吾商人也。衆不聽。欲捕之。茂兵衛知不可免。走入佛寺。投清正書於爐中。焚之。然後自殺。清正繼以權大夫為使。權大夫寸斷。清正書。燃紙條為笠。擊亦泊赤間關。衆怪之。權大夫曰。吾商客也。請勿怪。辭色懇款。衆聽之。使過權大夫。故棄其笠於路傍。衆取之。追呼予之。權大夫謝去。至神祖之營。接續其書上之。附以備考。先是大友義統攻木築城。細川忠興處守之。臣松井康之。

有吉立行。乞援熊本。清正使阪川忠兵衛。日下與介率兵援

之。親將兵八千五百。聲言出師豐後。以莊林隼人為軍監。發

熊本。至木山嶺。下令攻宇土城。屯大白山。以加藤百助。吉村

橋左衛門為前鋒。行長弟隼人及南條元琢。○琢或作宅。左衛門尉。名元清。

伯州羽衣石城主。豐後守宗勝庶長子。弟勘兵衛某。以為嫡子。繼宗勝。元清難髮號元琢。其臣山田越中。讒之於秀吉公。

秀吉公使小西行長。幽之。故在宇土城。關原記大全。慶元記。並云。左衛門佐元次子。勘兵衛元重弟。今據南條系圖訂之。

守宇土城。聞清正來攻。出陣街口。列炬待之。清正下令。天明

攻之。橋左衛門部兵少壯者。乘銳氣。夜攻街口。破之。城兵島

津又助率銃手拒之。燒陣後人家。以資其明。發銃如雨。我兵

多斃。退而陣于街口。加藤百助向鹽田口。三宅喜藏以忤清

正之命。被逐。欲立功以償其罪。夜過鹽田口。至城下。南條元

琢出偵吾軍。喜藏揮槍傷其面。與之相搏。二人有膂力。勝負

未決。城兵數十人出救元琢。清正見之。使救喜藏。飯田角兵

衛。莊林隼人率五六百人馳救之。元琢恐其逼城。捨喜藏入

城。亟闔門。城兵夜斫百助之營。阪川忠兵衛。日下與介。還自

木築。在百助之陣。與伊藤新五左衛門佐久間角助奮勇拒

戰城兵遂引去。清正釋三宅喜藏之罪，重賞之。又賞飯田角兵衛能救喜藏而却城兵，並增采邑。喜藏後更稱角左衛門，領五千石，角兵衛領七千石，並為隊長。小西隼人密使人齎書至八代城，使處守小西若狹。援宇土城，清正捕得其使，募村民一人收其質，詐言來自宇土城，致書若狹，若狹見其書，隼人之所署，不容復疑，亟復書告期。村民致之清正，清正厚賞村民。至期，使隊將吉村左近軍監相田六左衛門率一千餘兵邀擊之。至小川街口，與八代援兵遇。左近連發鳥銃，援兵大驚，敵將高瀨半左衛門厲衆進鬪。左近六左衛門急擊之，援軍不能支，走還八代。我兵進至宇土城外壕上，列竹牌，放火箭大銃，日夜攻之。城兵悉

力拒守。及關原大捷，清正射火箭于城中，諭之使降。小西隼人信疑相半，未能復書。行長敗兵走還宇土，清正縱之入城。隼人遣使清正之營，曰：行長敗走，事既明白，吾與小西若狹同死，以代衆士之命。願君侯收二城降兵，以隸帳下，使之養妻子，則惠孰大焉。清正義之，遣使監其死。隼人若狹自殺。二城並降。清正召元琢以下城兵數百人，皆為己臣。如水清諸城德川記關原合戰誌石卯餘史慶長記慶元記皆有其事而大金叙事詳悉今從之據關原記大金九月二十日清正發熊本十月上旬隼人若狹自殺亦欲事實接續故不係日○松榮紀事曰宇土之戰清正自揮槍與南條元琢戰遂禽之以其有勇名赦為己臣合戰誌曰諸書或云元琢被虜誤也元琢被禽則隼人不能一日守城故知其誤今從大金合戰誌使加藤與左衛門並河金右衛門戍宇土城。吉村橋左

衛門堤權右衛門成八代城引兵還熊本

關原記大全○年譜曰加藤清正攻

宇土城島津之兵圍佐敷城關原戰敗解圍退去大全曰諸書或有此說果然則清正必還兵救之而無其事此蓋以

文祿二年薩摩人梅北宮內左衛門奪佐敷城誤為此時事然年譜關原始末記並有其事故未敢遽為非也今按諸書

以文祿中事為此時事其誤明矣故不取先是有馬晴信松浦法印鎮信大村新

八郎後稱丹五島純玄承小西行長檄將赴大阪關原合戰誌石卯餘

史宗義智稱疾不出使其臣柳川調信將兵關原記大全行至赤

間關新八郎謂諸將曰今欲滅關東皆三成等之所謀而決

非秀賴之命不如屬內府以立功名諸將然之引兵各還其

藩神祖賜書松浦鎮信獎之至是新八郎分兵援清正攻宇

土城清正報之大阪神祖嘉之關原合戰誌石卯餘史賜初書鎮信據關原記大全

美濃苗木城主遠山久兵衛友政以屬齋藤龍興為織田信

長所逐流寓參州仕麾下從駕東征及三成舉兵聞城主川

尻肥後守在大阪請攻苗木城神祖許之友政喜還美濃土

人以其為舊主皆來從友政率之攻城拔之至是神祖褒其

功賜城于友政復故關原合戰誌石卯餘史巖村城主田丸具直在大

阪城使其族主水守城美濃人妻木雅樂助率兵攻之時丹

羽氏信在參州伊保遣兵援之雅樂助數與主水戰敗之其

弟吉左衛門自關東馳歸齋神祖所賜雅樂助書諭以厲戰

功燒高山寨保土岐城雅樂助進欲攻土岐城會西軍敗衄

具直歸降故雅樂助收兵去神祖釋具直之罪流于越後關原

烈祖戰績 卷之三 十五

合戰誌○石卯餘史曰具直亦從東征在小山營神祖諭關
 西諸將使之各從其志諸將無一叛者獨具直進曰三成舉
 事如運螻螂之斧然具直與彼有舊願江海之量得許還國
 舉兵與彼共死則幸矣神祖壯之親賜佩刀曰宜亟西歸以
 拒我師具直感戴而去不敢出兵但據巖村城以示黨於三
 成及西軍敗具直意其必死避城待罪神祖流之大全亦云
 具直從東征神祖感其志賜佩刀許之西歸而餘史之說頗
 涉夸大今從合戰誌四家考曰具直初欲從東征出巖村
 城至笛吹嶺下樽井邑其日石田三成書到勸其來歸具直
 猶豫留此二日遂決意西歸據巖村城以叛亂平神祖流之
 越後其後剃髮號鄰松附以備致

豐後岡城主中川秀成黨于宇喜多秀家
 石田三成故黑田如水加藤清正勸之歸正秀成不聽池田
 輝政其姻戚也遣使告秀家三成敗於關原亦勸歸正秀成
 從之欲攻大田一吉曰杵城以著功效曰杵城地形堅固一
 吉連守佐賀關扼塞海陸秀成使田原紹忍古田喜太郎甲

斐五右衛門等

關原合戰誌石卯餘史甲斐作榎野蓋以國音相近訛耳今從關原記大全

攻佐

賀關一吉使久德數馬山田三左衛門援之二人舟至佐賀
 關迎擊紹忍等破之秀成之臣中川平右衛門還自大阪至
 佐賀關與紹忍喜太郎合兵擊却之土寇競集邀其軍平右
 衛門紹忍喜太郎登鎌倉山據左義長鼻拒之欲與秀成合
 隊攻白杵城佐志生村林中有伏兵起神主作之允率民兵
 連發烏銃秀成回軍有屋嶺土寇蝟集橫擊之牧勘右衛門
 以下戰死三十餘人一吉之兵據淨土寺中川平右衛門進
 攻之敵兵拒鬪甲斐五右衛門戰死秀成之兵又戰于佐賀
 關而敗平右衛門紹忍戰死兩日之戰死者二百餘人

據關原合

戰既而關原捷報至。一吉遣使秀成之營曰。聞秀家三成以下黨與悉敗亡。今當避去。然有所思。願使黑田如水來此。然後授城。秀成告狀如水。時如水攻富來城。故遣其弟兵庫於白杵。一吉之宰出迎。謂兵庫曰。彥中川修理大夫雖來攻。而堅守不下。斬獲頗多。授城于修理大夫。則世人必謂修理大夫拔此城矣。如水公當時名將。授城于公。無復所憾。飛驒守所惜者其名耳。言畢而歸。一吉及城中男女。皆乘船出城。兵庫入城。過一二日。授城于秀成。還中津。德川記。關原合戰誌。有其事而大全敘事詳悉。今從之。據關原記。大全九月二十八日。秀成發岡城。十月二日。戰于佐賀關。今欲事實連接。故不係。初日向飯肥城主伊藤祐兵在大阪。祐兵關原記。大全作祐隆。今訂之。

及神祖東征。就井伊直政。袖原康政。黑田長政。講屬麾下。神祖賜書嘉之。祐兵督兵將從。駕罹疾逗遛。遣使黑田如水問其去留。如水報曰。宜歸本藩。以勦鄰敵。既而祐兵疾劇。使其子左京祐慶。後任修理大夫。更出雲守。還藩調兵。祐慶年甫十一。使老臣輔之。祐兵竟卒于大阪。宮崎城主高橋元種在大垣城。與秋月種長。相良長。每歸順。事未達。鎮西故先攻宮崎城。乞監使于黑田如水。時如水攻安喜城。陣于城下。遣其臣宮川半右衛門監之。祐慶之臣稻津掃部將兵數百騎。攻宮崎城。拔之。斬守將權藤平右衛門父子三人。獲二百餘級。進攻島津豐久。佐土原城。雖斬獲頗多。而城堅不下。又進與薩摩兵戰于

穆佐倉岡高岡真田山木脇口等地。○山木或作山本未知孰是斬四百

餘級。祐慶之兵戰死二百餘人。祐慶送平右衛門父子首於

如水之營。如水檢之。上其功於大阪。神祖褒祐兵志操純壹。

祐慶年少著功。使之襲父封。家忠日記德川記關原記大全慶長記關原合戰誌石卯餘史

據關原合戰誌九月晦稻津掃部攻宮崎城十月上旬與薩摩兵戰故書于此九鬼嘉隆與其子守

隆相持踰月。聞其黨敗于關原。大沮。使堀内重俊還新宮。亦

使二子五郎七五郎八七去。與其宰豐田五郎右衛門潛出

鳥羽城。匿于答志島。關原合戰誌石卯餘史作熊野今從關原記大全據續日本後紀答志島在志

摩。守隆至大阪。就池田輝政。切請回己軍功之賞。贖父死罪。

神祖雖未顯許。頗聽其言。守隆聞之喜。遣使答志島報之。使

未至。逡巡間。五郎右衛門逼嘉隆自殺。持首將獻大阪。至星

崎。遇守隆之使。無如之何。守隆大悲慟。誅五郎右衛門。家忠

關原記大全關原合戰誌石卯餘史松榮紀事前田利勝在大阪。十七日。神祖以桡

原康政為使。賞利勝北國軍功。增封加賀能美江沼二郡二

十萬石。責弟利政之有貳放之。奪能登加賜利勝。利勝歸藩。

自此統領加賀能登越中三州。利政流寓京師。家忠日記關原

原合戰誌石卯餘史松榮紀事先是細川忠興詣行營。請攻福智山城。以報

小野木公鄉攻其父玄旨之怨。曰。路由龜山城。攻之以正前

田茂勝之罪。神祖許之。忠興喜。與二子忠隆興秋弟興元將

兵二千八百。向福智山。播州姬路城主木下右衛門佐延俊

烈祖傳續

卷之三

十六

肥後守家定第三子關原素歸心于神祖稱病不從秀家輝

記大全作元次今訂之元之命至是帥兵四五百從忠興之軍忠興進至馬堀村距

龜山城纔十町遣使謂茂勝曰宜亟避去不然攻拔之茂勝

遣其宰小池清左衛門於中路迎謂之曰主膳正既通款于

關東故卿父幽齋寓于龜山城請卿來此既而玄旨與三刀

屋孝和至馬堀面告茂勝歸款之狀忠興聞之使茂勝來會

茂勝登時來忠興之陣請為先導攻福智山忠興許之○關原記

大全載一說曰谷出羽守藤懸參河守川勝右兵衛亦從忠興以贖其罪分兵為二隊進自蛇鼻

江戸阪攻福智山城城兵列鳥銃於蛇鼻拒之忠興急攻之

敵兵退入牙城時公鄉在大阪聞忠興攻城馳歸不得入著

藍縷擔魚籃為賤夫得入城朔日忠興召將校曰城中旌旗

倍精彩此必公鄉來歸也吾當以計取之乃遣使城中謂公

鄉曰吾非報怨國有叛亂必討之此藩臣之職也關原之戰

黨與皆敗子欲守城誰敢援之不如避城謝罪吾當請內府

以處寬宥公鄉從之下髮授城出在民間忠興又遣使曰子

罪甚重吾不能請命宜自裁十八日公鄉入龜山淨土寺自

殺關原合戰誌曰九月二十三日縫殿助出城入高野山十

月六日自殺石卯餘史作十一月六日德川記十一月十

八日關原記大全慶元記松榮紀事不日今日從家忠日記

慶長記細川家傳錄事從關原記大全○合戰誌又曰神祖

謂山岡道阿彌曰忠興拔福智山城則恐多殺傷兇魁已殪

何用多殺子往說縫殿助降之道阿彌奉命至福智山諭之

公鄉出降竟自殺與忠興使其臣飯川豐前前枚左馬允成

大全異附以備致

福智山城

關原記大全

先是神祖謂執政曰德善院玄以雖輸款

於我而方敵攻伏見城身在京師不恤鳥居內藤之死不救

田邊大津之急難終無一事可見其效者宜奪其封至是收

龜山城放玄以父子使北條氏勝其子新左衛門繁廣成龜

山城

關原記大全此非是日之事今因茂勝事連書于此○松榮紀事曰玄以與增田長盛同罪然歸心于神祖告

石田三成之密謀且不署反徒之連名故神祖釋之不問後

屢召之玄以稱病不出終於其家此說或然也然奪龜山城

事實明白今從大全十九日世子發京師至大阪家忠鍋島直茂欲攻

立花宗茂柳川城以贖其子勝茂之罪是日將兵一萬二千

渡筑後川距城三里陣于大善寺前鋒鍋島七左衛門鍋島

平五郎陣于五段田○關原記大全載一說曰直茂在藩其子勝茂黨于秀家輝元直茂欲略寺澤

志摩守唐津之地使鍋島紀伊守屋上形部率數千人攻唐津志摩守處守之臣山本三右衛門逆戰于駒啼阪却之直

茂恐神祖聞之詰責攻柳川贖其罪附以備攻宗茂集將佐謂曰鍋島信濃守黨于

秀家輝元兵敗奔還本州宜與吾戮力協謀以圖再舉而反

來攻此必其父加賀守欲媚內府以贖信濃守之罪也今當

出兵自將決勝負於江上使彼不得侵掠吾疆圍也將佐諫

曰曷自大阪遣使行營以通歸款而主公自將莅陳其勢殆

不可也宜命將拒之如有戰爭則諉曰鄰敵來侵不得已出

兵捍禦而少壯輩銳氣輕戰則庶免咎責宗茂從之使重臣

小野和泉鎮幸立花右衛門大夫鎮實立花成家立花三大

夫統春

鎮實以下三人名據安東守經所書

率銳手隊長安東五郎右衛門石

松安兵衛等一千餘兵迎擊之。五郎右衛門安兵衛發銃挑
 戰。前有溝渠。不得交戰。日將暮。鎮幸成家收兵還城。二十日
 黎明。鎮幸鎮實。五郎右衛門安兵衛。立花統春。新田平右衛
 門等。據關原記大全。平右衛門新田義貞之
 裔。右衛門督義照孫。遠江守某第二子。一千三百餘人。
 又出江上村。五郎右衛門安兵衛。干手六之允。進擊我軍前
 鋒。破之。統春率部兵突戰。我軍三隊退走。中村勘兵衛。森彌
 七等。戰死頗多。統春乘勝。單騎進犯鍋島七左衛門之陣。我
 兵攢槍刺殺之。直茂使隊將後藤左衛門。後藤喜三郎。渡鐘
 江。出八院村西。連發鳥銃。干手六之允驚走。我兵乘勢還戰。
 大破之。斬五郎右衛門安兵衛。奈良右京井手與二兵衛等

數輩。鎮實。在隊後。為救前隊之急。橫擊破我陣。退走可三町。
 我兵邀擊其後。破之。斬鎮實及其子善二郎親雄。據安東守
 經所書。士氣大奮。進擊小野鎮幸之陣。又破之。鎮幸重創。從兵戰死。
 僅存十四五人。立花家成守水田口。以備黑田如水。謀奔告
 江口之戰。將士多死。家成顧謂士卒曰。將在軍。專斷可也。如
 水之兵未至。不可不救。我軍之急。爭馳赴之。出江上村北。急
 發鳥銃。家成馬上揮槍。厲眾競進。我兵披靡。又退。可五町。然
 我兵眾多。發銃雨注。家成揮麾收兵。後藤喜三郎自八院村
 連發銃。中家成之頰。重創墜馬。從兵扶之而去。鎮幸驍勇。結
 髮從軍。被創六十七。是日最重。不為家成所救。幾不能免。二

人引兵還柳川城

關原合戰誌石卯餘史慶元記皆載江上之戰而關原記大全叙事最詳今從之

毛利壹岐守勝信在豐前小倉城其子勝永後稱豐前守黨于反

徒屯南宮山關原戰敗走江州就加藤嘉明乞降黑田如水

拔安喜富來二城還中津休士馬出攻小倉城勝信以勝永

歸正授城如水而去如水置兵戍之神祖以與勝信有舊釋

父子之罪使山内一豐幽之

關原記大全曰勝信父子據小倉城使其宰毛利九左衛門子

吉十郎守香春城吉十郎有憾于勝信叛降如水以為先鋒

攻小倉城如水遣使城中勸其歸降勝信從之削髮號一齋

授城而去如水置兵戍城而不書勝永之存亡按十九年勝永自土佐入大阪城力戰著名明年殉死秀賴合戰誌所載

事實頗詳今從之如水將赴柳川屯藤山數日藤山在筑後三潯郡移陣水田

村聞江上軍散小野鎮幸立花家成還柳川城遣使大善寺

諭鍋島直茂弭兵直茂引前軍入大善寺加藤清正還自宇

土亦欲平定筑後率一千餘人陣于瀨高村據關原記大全水田村距柳川

城二里半瀨高村去城二里如水清正相議欲使宗茂避去遣使召宗茂

之宰立花賢賀至瀨高如水清正謂賢賀曰宗茂出城從軍

與吾曹攻薩摩則庶可償其罪矣賢賀還城告其言勸宗茂

講和薦野親次方歸柳川告神祖優容其罪宗茂決意歸降

與近臣五六人出城至清正之營時營中馬逸騷擾宗茂舉

止自若清正急遣使城中與宗茂從者入城諭以馬逸無佗

虞城兵見清正之營大譟以為宗茂被誘殺皆欲斫營而死

既出羅城清正之使馳告其故城兵始安咸服清正之敏捷

坐定。清正謂宗茂曰：足下脅從而非首謀者，內府必鑒茹之。宜從吾曹征討薩摩，以求內府之涵容。宗茂曰：大老奉行，依託擁戴秀賴，徵發兵馬，吾雖應徵出軍，而不得戰于關原。中道還兵，竟無所成，甚可差也。諸君能料秀家輝元其餘諸將舉事，必不能成，專為內府，戡定禍亂，殆非下愚之所及。請從諸君之處分。清正喜，遣使如水直茂之營，告其言，點馱馬五百足，役丁一千人，使兵士護送宗茂於熊本。加藤美作成柳川城。德川記慶長記關原軍記關原合戰誌石卯餘史慶元記皆有其事而大全敘事詳悉今從之據關原記大全二十日，如水移陣水田，二十四日，宗茂出城，亦欲事實連接，故不係日。○大全曰：清正善遇宗茂，構館于玉名郡高瀨邑，使宗茂居之，給俸其臣一百人，使居側近，號柳川町。初，毛利給一千人，月稍於宗茂，其後宗茂往江戶，請蒙沛宥。

秀色出久留米城赴大阪，託其妻及四子於處守桂民部曰：西兵不利，敵軍來攻，宜盡守禦之術，力屈則殺吾妻子。枕城而死。若黑田如水來此，則當授城而去。至是如水與清正議，遣如水之弟圖書，清正之臣和田備中於久留米，諭民部授城。民部從秀色之命，護其妻子，授城圖書備中而去。圖書戍牙城，備中戍羅城。清正遣使山下城主筑紫廣門。據關原記城在筑後下妻郡與立花宗茂從軍薩摩，廣門授城而去。清正使加藤百助戍城。關原記大全本書曰：是後清正招廣門於熊本，給三百人，月稍。廣門剃髮號夢庵，卒後名其子主水于關東。隸麾下。石河掃部助賴明。左衛門佐宗光孫，木工衛光政第四子，初名一宗，後更今名。從立花宗茂攻大津城，拔之。聞其黨敗於關原，逃至脇阪安。

治家巧生安治請免死于井伊直政直政不聽曰掃部助內府公所甚惡也宜速就死賴明自殺原隱岐守河尻肥後守亦相繼自殺同小野木公鄉石河賴明首梟於三條河原

日記關原合戰誌慶元記石卯餘史松榮紀事○合戰誌曰三成惠瓊行長公鄉賴明隱岐守肥後守皆為罪魁故梟首

止此七人其餘反徒誅戮自殺者皆不梟首石河光吉出犬山城至朝熊兵纔可

百騎還戰于關原軍敗走朽木谷潛匿京師其後流寓就池

田輝政巧生輝政哀訴神祖釋其罪放之關原合戰誌關原軍記石卯餘史三

書並云光吉落髮為市人號宗林終于京師○駿府記十九

年十二月五日書曰石河備前入道來謁關原亂平流落京

師大阪兵興不入城故神祖許其謁見四家合考曰石河備前守性甚貪婪喜財掙克邑里民不堪命部下士皆離散不能守城其子諫之不聽遂自殺今據上三書光吉流寓為市人則其言不誣亦可以為為士者之戒矣二十七

日神祖罹疾二十八日神祖第九子五郎太麻呂生于大阪

西城長而名義利後更義直家忠日記松榮紀事從二位尾張大納言敬公是也所生志水

氏甲斐守宗清女後為尼號相應院二十九日神祖疾瘳將士登城賀之家忠

紀事方是時世子與兄參河守秀康弟下野守忠吉皆在大阪

一日神祖召大久保忠鄰曰三子孰為適嗣忠鄰對曰世

子位望已重臣未嘗見其有過失不宜動搖神祖默他日召

井伊直政榊原康政本多忠勝平巖親吉本多正信及忠鄰

又問之正信等不敢輒對退而議其可否正信曰參河守殿

勇武絕倫宜為冢嗣直政忠勝親吉各陳所見忠鄰曰三公

子皆閣下所生弓馬之藝非所論也世子智勇兼備付託基

業非此則不可。康政曰：誠如子之所言。既而六人入見，神祖先使正信發言。正信對如前議。次問忠鄰，亦如前議。神祖使與正信論難。正信曰：參河守殿爲適嗣，斷無可疑。忠鄰固執前議曰：戡亂克敵，勇武爲先。平定天下，非備文德，必不可也。臣事世子，歲月既久，非無保佑之私。至於授受基業，則國家長久之大計，豈有挾私所偏重哉？因探懷中誓書上之。神祖曰：卿等且退，吾將思之。經一二日，又召六人曰：卿忠鄰所言有理，吾繼嗣已定矣。六人同辭曰：鈞命甚善，拜謝而出。冢嗣遂定。大久保家譜
關原記大全

臣按：先是台廟既爲世子，至是神祖諮訪執政者，蓋有深

慮也。天正十三年，以青山忠成爲長麻呂君傳，置抱負之臣。則雖無擁立之命，而其爲世子在是時矣。及十八年入京師，關白秀吉公親加首服，以授名諱，則其位望之重，亦可見矣。况台廟天資仁孝，謀略宏遠，位陞從三位，官至中納言，撫軍監國，莫非世子之事。問安視膳，實爲主鬯之器。然據大久保加賀守忠任所牒，大田備中守資宗、大久保家譜及關原記大全，立爲世子，似在本年。今審其時勢，神祖謀於執政者，非爲動搖國本，而欲觀人心之所嚮也。誠宗廟社稷之大計，萬世無窮之重典，庶使觀者有所考據焉。

十一月十六日。世子出大阪入伏見。是日。賜南都興福寺依

舊封一萬五千石印章。十八日。世子入朝。傳青山忠成授從

五位下。為播磨守。家忠日記黑田如水。加藤清正。鍋島直茂。其餘

鎮西諸將。欲討島津惟新。率兵至佐敷水股。肥後地名清正以其

為前軍。欲先入薩摩。如水貽書止之。清正從之。屯水股。是日。

神祖賜書如水。清正直茂戢兵。諸將引兵各歸其藩。關原記大全

神祖遣龜井茲矩於因幡。取宮部兵部少輔鳥取城。播磨小

鹽城。王齋村左兵衛則繼。關原記大全作赤松左兵衛廣範

廣秀關原合戰誌作齋村左兵衛而無名按齋村赤松氏之

族而即一人也今據播州班鳩寺過去帳訂之合戰誌小鹽

作濱田今從大全兵部少雅欲歸款神祖。而從大阪徵發攻

輔病狂失封見上文九月

田邊城歸在本藩。聞茲矩赴鳥取。欲立功以贖罪。兵部少輔

處守之臣不敢拒。茲矩授城而去。故則繼無所立效。神祖以

其為宇喜多秀家之妹夫。命茲矩殺之。二十九日。則繼自殺

於鳥取。赤松氏之統至是而絕。關原合戰誌石卯餘史慶元

山陰道給濱田城主齋村左兵衛曰子能與我戮力狗地則

上其功於內府公以領采邑不然攻之左兵衛從之攻鳥取

城兵部少輔處守之臣多賀三郎右衛門土井一玄等屢出

戰茲矩不能下既而兵部少輔手書諭之故三郎右衛門一

玄致城於二人而去武藏守謂左兵衛曰吾雖固請內府公

不見聽子宜引決左兵衛自殺武藏守以為己功按處守之

臣拒戰他書所不載茲矩亦不可長曾我部盛親自界津至

作此鄙夫之行今從關原記大全大阪遁歸土佐。留其臣立石助兵衛。橫山新兵衛於大阪。就

井伊直政以謝其罪。神祖釋之。使盛親來大阪以陳謝。直政

傳旨盛親將赴大阪。盛親有庶兄曰津野孫二郎。父元親以盛親為嗣。孫二郎雅歸心于神祖。盛親近臣久武內藏助謂盛親曰：孫二郎殿與藤堂高虎交最親。高虎汲引之，賜以土佐半州。必矣。宜使之自殺。然後就召。盛親然之。逼孫二郎自殺。是月，盛親至大阪，寓于天滿學校寺。神祖優容之，使居伏見故第。名藤堂高虎問津野孫二郎安在。高虎對曰：盛親逼使自殺。神祖大怒，奪盛親之封，罪當死。直政哀訴，丐生。至盛親之第，諭曰：內府怒甚，當以本州付我。盛親從之。直政遣部將鈴木重好于土佐。盛親亦遣其臣諭處守之。臣授城重好。入高野山，披剃號祐夢。關原記大全關原合戰誌諸書祐或作幽國音相通○關原軍記石卯餘

史竝曰：盛親歸土佐，欲再舉兵。神祖使山內一豐加藤嘉明、蜂須賀至鎮討之。三將率兵入土佐，故盛親乞降。按神祖務欲弭兵，安集海內。盛親敗亡之餘，不足動師。其餘諸書無命三將之文，故不取。重好從兵三十餘人，發大阪至土佐府城浦戶。盛親步兵有號一領具足。其黨蕃衍。魁帥竹田宗左衛門、吉川善介、德井佐龜之助相聚謀反。列舟三百艘，拒重好不內。連發鳥銃。時既夜，重好燒炬舳艫，使人高聲呼曰：我銜命而來。汝曹近船聽之。賊稍定。遣使導重好入雪蹊寺。盡眾來圍。凡五千七百人。鈴木重好傳本書多今從家忠日記關原記大全關原合戰誌慶元記逼重好曰：中分土佐，以其半賜宮內少輔。否則不敢受命。重好曰：公命不及此，我焉得專之。縱與汝輩鬪死，不能從也。賊徒又請曰：然則給一郡或十邑。子

宜取旨。盛親處守之臣。既聞盛親之命。密與重好通謀。議討賊。故重好雖不許其請。而不遽絕之。依違延期。重好傳關原反。黨松浦安大夫。伊藤彥兵衛。毛利秀包。木下左京亮。皆處流。赤座久兵衛。稻葉甲斐守。稻葉右近。雖降。以罪重被放。小野寺孫七郎。多賀出雲守。木下周防守。木下美作守。杉若越後守。橫濱民部少輔。寺田播磨守。木村彌一。右衛門。垣屋隱岐守。岸田伯耆守。早川主馬首。南條中務大輔。名關。難波戰。記曰。中務大輔。元明子。據南條系圖。無元明者。慶元元明者。慶元。記作勘兵衛之子。元琢之姪。為是。服部土佐守。菅平右衛門。糟屋內膳正。高田薩摩守。別處豐後守。三淵大和守。秋田助。左衛門。矢部豐後守。伊藤加賀守。駒井中務等。雖身在大

阪。不赴戰場。而與反徒通謀。故削籍放之。慶長軍記曰。赤座久兵衛後往加賀。

事。松平肥前守利光。生駒修理亮。藤懸永勝。谷蘅好。小山秀政。其子大

和守吉政。後襲稱。播磨守。孫大隅守三尹。實秀政子。吉政弟。遠江守秀家子。養之。杉原

長房。建部內匠頭寄德。山崎家盛。片桐且元。織田信包。織田

信高。毛利高正。宮城丹後守。川勝信濃守。新莊越前守直定。

初稱新三郎。淺井亮政部將。駿河守直賴子。叙從五位下。任越前守。時田權之助等。亦雖在大

阪。而潛歸。款于關東。故領采邑。皆如故。池田伊豫守。山崎右

京亮。丹羽長正。溝江大炊助。赤澤備後守等。戰于關原。兵敗

皆亡去。反黨悉平。關原合戰誌十二月。後陽成帝以第二皇子政

仁為親王。後水尾帝所生近衛關白前久女。諱前子。號中和門院。松榮紀事作信尹女。

親網之女生第一皇子良仁。親網大納言孝親子良仁後披帝鍾愛皇子欲傳天位。先是中山大納言藤原

菊亭右大臣晴季。左大臣公彦子與親網及德善院玄以謀請關白

秀吉為親王。故帝不能遂其志。至是密遣近侍於大阪與神

祖議定皇嗣。神祖雅不以立良仁親王為可。曰知子莫如父。

第一第二皇子皆瓊枝玉葉。簡在帝心。然子以母貴。古今通

誼。宜以第二皇子為儲貳。庶天下允協。帝大喜。議遂定。松榮紀事

神祖下令討真田昌幸及其少子信仍。長子信幸哀訴。請回

己賞。贖父死罪。神祖以信幸功大許之。十三日昌幸信仍出

上田城入高野山。昌幸薙髮號一翁干雪。創業記家忠日記關原合戰誌石卯

餘史松榮紀事信幸賜上田城見下文神祖使井伊直政本多忠勝榊原康政

本多正信大久保忠鄰問世子。今欲頒州郡於有功諸將。宜

先定根本之地。以為大城。關東關西二者孰可。世子對曰。小

子何知。唯仰成算耳。神祖悅。乃定江戶城為大城。使豐臣秀

賴居大阪城。管河內攝津二國。以越前封參河守秀康。尾張

於下野守忠吉。賜播磨於池田輝政。美作備前於豐臣秀秋。

安藝備後於福島正則。元和五年六月正則有罪沒出雲隱

岐於堀尾吉晴及其子忠氏。伯耆於中村一學。忠一。松榮紀事曰此

時賜松平氏任伯耆守筑前於黑田長政。豐前於細川忠興。增封豐後

木築如故。紀伊於淺野幸長。左京大夫幸長後更任紀伊守增封肥後之半

於加藤清正。土佐於山内一豐。若狹於京極高次。丹後於京極高知。筑後於田中吉政。伊豫之半於加藤嘉明。徙居松山城。其半於藤堂高虎。徙居今張城。各增封十萬石。嘉明高虎先是各食十萬石。通前。阿波於蜂須賀至鎮。讚岐於生駒一正。肥前於鍋島勝茂。飛驒於金森可重。因幡鳥取於池田長吉。丹波福智山於有馬豐氏。美濃高須於德永法印。壽昌備中庭瀨於戶川達安。伊勢神戶於一柳直盛。松阪於古田重恒。安濃津於富田知信。信濃上田於真田信幸。增五萬石。割肥前四萬石。增封寺澤廣高。以美濃二萬石。增封西尾光教。創業記家忠日記關原記大全。關原合戰誌。石卯餘史。松榮紀事。移封木下延俊於豐後日出。食三萬石。

石。寬永系圖。割與美濃鄉邑於木曾諸士。筒井定次雖奪伊賀上野城於敵。而以有戰功。賜城復故。將士皆安堵。家忠日記關原同時。或有他年封拜者。諸書因事連書。今從之。自是闔國一統。天下諸侯皆仰事神祖。豐臣秀吉所賜將士羽柴氏。悉復本氏。關原記大全。○按更伊達政宗羽柴氏。賜松平氏。見時悉復本氏。蓋大五千石。内藤信成。成同州巖村城。戶田高次。成越前丸岡城。名高臺院之宰。小堀政次。仕麾下。賜一萬石。成備中松山城。大久保忠常。為加賀守。土屋忠直。為民部少輔。並叙從五位下。家忠日記。鈴木重好。在土佐五十餘日。日夜運策。與長曾我部

盛親故將桑名彌次兵衛一孝合謀勦賊。○一孝元和元年

日記作親氏今從盛親舊臣南岡四郎兵衛須久毛善左衛

門等皆應之。晦關原記大全作朔今從鈴木重好傳重好與一孝四郎兵衛等

率兵攻賊徒大破之。斬賊帥吉川善介德井佐龜之助。及其

黨三百四十三人。舟運其首於大阪。井伊直政上之。神祖褒

其功。申命重好曰。綏撫土佐。須授山内對馬守而歸。重好是

月。黑田如水加藤清正來謁大阪。時人以為平定鎮西。全在

二人。而如水謀略其功最大。關原合戰誌松榮紀事○家忠

日記以如水來謁大阪係十一月十八日據大全十八日神祖賜書如水清正鍋島直神祖

特重如水之功。欲奏朝廷授官爵。封以畿甸之地。諮訪天下

政事。如水辭曰。鈞命甚重。然年老多病。精力衰耗。不堪任事。

賤息甲斐守賜筑前國為甲斐守所養。以樂餘年。志願畢矣。

功名富貴。一無所期。神祖賢之。使之優游終身焉。關原記

臣按。宮腰秀興曰。黑田如水勇略超群。智謀絕倫。初秀吉

公以如水為謀主。攻必下。戰必克。其功莫之與京。而秀吉

公忌其才。終不封之。以大國。如水見幾而作。致仕在中津

城。及石田三成舉事。專為神祖經略西陲。首勸竹中伊豆

守。使歸關東。禽大友義統。降安喜富來白杵隈角牟禮等

諸城。平定豐後。至豐前筑後。取小倉香春。久留米柳川四

城。勸大田一吉。立花宗茂。使之歸順。將攻薩摩。至肥後。聞

島津龍伯歸降。諭諸將止戰。待神祖之命。然後班師。戡定九州。皆如水一人之力也。神祖賞其功。欲縻之以好爵。封之以巖邑。而一無所受。其在京師也。寓于東山鹿谷之側。參河守秀康卿以下。諸侯大夫。輻湊其門。跂慕景仰。尋還筑前。居博多。及福岡。城修築功竣。擇羅城爽塏。以營菟裘。恬退閒靜。以終餘年。相傳台德公謂近臣曰。黑田如水當世張良也。嗣子長政。關原大功。世所共知也。及天下一統。偃武修文。不以武事矜人。謹厚奉上。謙恭下士。如福島正則。枉殺伊奈圖書。決所不爲也。小瀨道喜著太閤記。購求諸家記載。長政重臣僉曰。宜錄祖考以來武功。使著之書。

長政曰。凡爲士者。立懂怒敵。皆爲公家。而非爲營私求名也。大平之世。倚耀武功。非吾志也。終不許其請。故太閤記書黑田家事。率多闕略。如水父子。可謂明哲保身者也。臣謂戰爭之世。勇略超群。間或有之。明哲保身。絕無其人。如水當海內糜沸之時。奮不顧身。及九州旣平。韜光自晦。台廟方之子房。殆無所媿焉。秀興去若狹。仕筑前。其論如水父子。恐有溢美之言。而質之載籍。實如所論。干戈旣戢。長政有意學文。數延羅山。聽其講說。賞延于世。爲國藩屏。良有以哉。

是歲使足利學校僧三要。板刻孔子家語。武經七書。貞觀政

要行于世。家忠日記、松榮紀事、創業記十二年、尾書曰、近年京都工人、鋟書於梓、謂之摺本、末代重寶也、蓋前此所未有、故附于此、慶長軍記曰、足利學校、小野篁奏請所置也、春秋二分、釋奠、講讀六經、及亂世、禪僧掌之、祭奠皆廢、太閤時、相國寺、信長、老為主盟、及交代、盜文庫、經籍、還京師、學校遂廢、其後、神祖、聞之、怒、遣使、相國寺、督責之、信長老大恐、悉還經籍、神祖、寄附封戶、如故、學校復其舊云、

松井甲太郎書

烈祖成績卷之十三終

